

Kolosi

1-2 Nai Pol, Anut sen ηai ipilianag go, Jesus Kris-tus san aposel ηilasa ya. Νai aŋ, Anut anen tamolpein a Kolosi na amado dan, sam na girek en ηigane ipalu da. Id teid Timoti iŋ ηai da girek en migire da. Aŋ Kristus da atumanig lo gun alasa ya. Agod gamu Kristus mi awan ari apanig amado da. Nai igo ηugudani dak, Anut idaned Tamad san ilo panek, agod ilo maror dam, aŋsam na ilasa dop yen a.

Madok uyan an lo Anut ilo uyan tupani wa

3 Saen fidian maŋ Anut idsad Tubun ak Jesus Kristus san Taman mugudani dan, gadin an lo aŋ niŋemi wo musumiani da, agod ilo uyan ru mupani da.

4 Man dugo, maŋ gubak mi ru en maloŋ a, aŋ Jesus Kristus o ilom rumok da, agod iŋjanen tamolpein fidian ilom apidinai da.

5 Aŋjanem ilo rumok san naon, Anut ikibine la ya, agog kumaen panu lo iganeg yen da. Aŋ naon an aŋane wo mala nouk amado da. Mala nouk an lo, aŋ tinim ilon lo aŋjanem ilo rumok, agod tamolpein fidian niŋedi wo amat san kagin dilasag tubun a. Gubak mi ru rumok ak aŋsam na ipalug aloŋ a. Ru rumok en man bilaluŋ uyan ak a Anut san tamolpein dufulale da. Bilaluŋ uyan an lo, ru mel uyan uyan ak a aŋ o kumaen panu lo yen dan niŋen o aloŋ a.

6 Tan fidian lo bilaluŋ uyan en iganeg nuŋon ifu da, agod ru en ifufurak go panu panu lo yau da.

Nek ago mi, aŋ luluŋjam lo kagin naon kisaek an mi yen da, saen imug mi aŋ ru an aloŋ go, Anut san ilo panek an aloŋ fufeig ipalug gamu en, ru an ifufurak go tamolpein wei mi sad na yau dugo nuŋon ifu da.

⁷ Epafras ru an aloŋ uyanan san maŋau ipitenjanaŋ a. Inj man maŋsama urat kisaek, agod inj niŋen o tubun mi mamat da. Inj maŋ naoma injaneg Kristus san urat kagin ipani uyanan da.

⁸ Injsen aŋ, Awan Urgun bubem yabisa dugo, lo tamolpein aenta niŋedi wo amat dan, ibol go maloŋ a.

⁹ Fun an niŋen o, saen maŋ ru aŋ niŋemi wo maloŋ go ipalug gamu en, maŋ aŋ niŋemi wo Anut mugudani panaŋ da. Maŋsama gadiŋ lo Anut musumiani panaŋ dak igo ya. Aŋ Anut ilon dugo ibol dan aloŋ fufei wa, agod Awan Urgun lo, aŋ kankan milaen ak, agod maŋau dam aŋ fidian tinim injanefute wa.

¹⁰ Inj aŋ ibinawaŋ pe, kagin uyan ak lo ator amado wa, an lo dop tamolpein ajanem kagin dile dop igo dubol, “tamolpein an injaned Tubun ak san tamolpein dilasa san idaisuda mok a.” Taida mi, dal fidian lo, Anut san ilo uyan aŋ o tubun mi yen o, urat wagai agane wa. Urat uyan ak fidian lo nuŋon agane wa, agod nal fidian ajanem maŋau Anut niŋen o yan isap tubun a.

¹¹ Anut san dabai tubun geig a, an niŋen o maŋ dam, inj mugudani dop injanet dabai tubun an fidian ipanaŋ a, ago dop, an lo aŋ dabai mok a. An lo dop muruan dugo yak fidian aŋ lo dilasa bo man, aŋ atur dabai pe, yaes ta ifunaŋ na wa, agod yousai

amam da, ilo uyan ru idaned Tamad apani wa.

¹² Inj aŋ idaisuda mi ipanaŋ an lo man, aŋ dam naon a iŋjanen tamolpein gun ak murnap diŋjane wan lo atutou wa. Naon an gamu iŋjanen kagin panek aben lilaman anda yak, ante yen da. Agod iŋjanen patu pasek aŋjane yan lo, naon an aŋjane san aŋ idaisuda mok a.

¹³ Man dugo, id gubak mi aben a Satan tidom tubun ak lo tamolpein a Anut san tia yak itirnai dan te tumado se ya. Ak man id Tamad patud ipasig iŋjiliag go taug Nanun a niŋen o imat dan, iŋjanen kagin panek aben lo tiladu ya.

¹⁴ Nanun an lo idad iŋjiliad go, idsad aupasek fidian isuas panad a.

Kristus inj Anut anen tutujanek tamol mok a

¹⁵ Anut Nanun man Anut a id malad nam tile san tia yan san mitilaen imado da, iŋjanen mitilaen nuŋon mok a. Inj Anut anen nanun matu, agod mel fidian a Anut idiri an taman imado da.

¹⁶ Man dugo, Nanun banin log Anut mel fidian idirig dilasag dien da. Mel a kumaen panu lo yen dan, tan na dam yen dan, mel a malad nam teil san, agod mel a malad nam tile san tia yan dam fidian idiri a. Mel a malad nam tile san tia man, enjel adi, tubud adi, tan keit tuon adi, agod ur naon funfun dabai amad da ya. Awo, rumok, Anut inj Nanun banin lo mel fidian idiri a, agod inj niŋen o mel an idiri a.

¹⁷ Mel fidian gamugo dilasa dugo, inj imug mi imado ya. Inj lo mel fidian iŋjaned abek abek atem dumado dugo, nug lo dututou da.

¹⁸ Inj mi midaeŋ gurman, agod midaeŋ man iŋsan tinin. Inj mi mel fidian Anut idiraig dilasa

yan sad malan te ya, iŋ imug mi mateŋ lo kumaen imasa ya, an lo man iŋ mel fidian iriŋjanai geig go, lak na isuda yaug imasi a. An lo gamu iŋ mi mel fidian sad malan te ya.

19 Man dugo, Anut sen iŋjanen bunun an fidian, Nanun aman da wo ilon yen a.

20 Nanun lo mi Anut mel a tan na dumado dan, agod a kumaen panu lo yan dam, fidian iŋiliaip iŋjanen muroun muroun igo woŋ siŋiren na dumul pe dupalu wa. An fidian iŋsan ager oŋ ago mi dumado san tia ya, man dugo, iŋjanen Nanun san dar aigim fo iwatik an lo maror iganeg ilasa ya.

21 Aŋ imug Anut lo siai aganeg ator se ya, aŋ tamol asau ak igo woŋ, Anut malan patun fo amado ator se ya. Aŋjanem kankan lo man, Anut san ager amado se ya, man dugo, aŋjanem kagin naok naok a agane se yan saian geig a.

22 Ak man Kristus tinin tan en san an imat a. An lo gamu Anut aŋ naom yabig iŋsan turan mok alasa ya. An lo dop iŋ iŋiliaŋ pe iŋ naon na igunaŋ dop, aŋ iŋ malan lo gun ak, nun amam tia yak, agod talpein kot ipanaŋ san tia yak, ago atur a.

23 Ak man aŋ kulob ago ilasa wo urat amam da ya. Aŋ aŋjanem ilo rumok abituanip yau a. Nek ibol kadaŋ duguni dabai go ibuk ila iso san tia yak igo atur dabai a. Agod tamol ta aŋ naom yabip, aŋjanem mala nouk a bilaluŋ uyan ak igane ilasa dan, ante asuk amul amoi. Bilaluŋ uyan en gubak mi aloŋ dugo, ru nek emaiak Anut san urat tamol adi aben fidian lo dubol ilasa se ya. Agod ɿai Pol, bilaluŋ uyan emaiak san urat tamol ɿilasag ɿumado da.

Urat a Pol Kristus san midaen niyedi wo igane se ya

24 Nai madai, agod muruan a aŋ niyemi wo ɻisini se yan ninjen o uyag isusa da, agod ɻai tinig madai dupani dan lo, Kristus tinin madai dupani amaiak san wadan ɻigane itout a. Kristus tinin man iŋanen midaen, agod midaen an ɻibinawai wo, ilo uyan lo muruan an fidian ɻisini da.

25 Anut ɻai ipilianag go, iŋanen midaen en san urat tamol ɻilasa ya. Naisag urat man, Anut san ru an fidian aŋ ɻurupaiaŋ pe alon a, ru ta kisaek ɻabituani san tia ya.

26 Idsad tubud baged gamugo dilasa dugo, Anut ru en imianig saen milaen mok imianuk an yen na ya. Ak man gamu Anut ru en iŋanen tamolpein gun ak kuai tem irupidaig dulon a.

27 Ru mianuk en girager andag awan isa. Agod Anut ilon yen ak igo, ru mianuk en kuai ipanig iŋanen tamolpein gun ak banid lo igane ya, an lo tamolpein tan fidian lo dumado dan, dulon uyan dop, ru en san girager tubun ak ka dile wa. Ru mianuk girager anda yak man nek en: Kristus aŋ tinim ilon lo imado da. Agod kulob an nuŋon man, murnap aŋ kumaen a girager anda yan aŋane wa. An aŋ o ilasa wak ninjen o mala nouk amado da.

28 Maŋ ru Kristus ninjen o yan tamolpein murupidai dulon da. Maŋ tamolpein fidian ru kagin murupidai dugo, kankan milaen ak lo maŋau mupiteŋanai da. Maŋ iloma man, tamolpein fidian miŋiliaip, dida Anut naon na maup, itaot adi Kristus lo yak igo mugunaip dutur a.

29 Nai mel an ilasa san ninjen o urat wagai ɻigane da. Dabai tubun geig ak a Kristus ɻai ilog lo igane

ilasa dugo, ilog lo urat tubun mi isini dan, an nuñon igane wo maeg ñigane da.

2

Pol ilon man midaeñ Kristus dulon uyanan mok a

¹ Nai añ niñemi wo, tamolpein a taun Laodosia na dumado dan dam niñedi wo, agod a fidian naog ta dile na yan dam niñedi wo, ñubunawañ o maeg ñigane dan, alon uyanan ak ago ilog ibol da.

² Nai ilog man, nai añ inj dida ilom ñabisap, ilom dabai amam da amado wa, agod ilo panek lo atumanip kisaek a. Ago dop an lo añ inj dida mañau milaen mok an ilom lo ilasap yen a. An lo dop Anut san ru mianuk an alon pasik a. Ru mianuk a talon san uyanan man Kristus injsen.

³ In tinin ilon lo, Anut gubak mi mel fidian naod lak na geig ak mañau san, agod kankan milaen ak san dam, imianaig dimianuk go dien da.

⁴ Nai ru ago ñurupaiañ dan lo, talpein ta ilo ñanek ru nam irawañ san tia ya.

⁵ Man dugo, gidad añ luluñjam lo nai naog tia ya, ago bo man ñaineg ur lo mi nai añ da tumado da. Ago dugo ajanem ilo rumok Kristus lo yan, añ nug aganuri dugo atur dabai da, an nai ñile dugo ilog bulbal da.

Id Kristus tiganuri dan lo id afon kubiaeñ san urat tamol tilasa san tia ya

⁶ Fun an niñen o, añ Jesus Kristus ajaneg ajanem Tubun ak ilasa yan niñen o, in aganurip sisem ator a.

⁷ Añ aganep ajanem dabim Kristus lo dudu diau geig a. Agod nek ibol ab ta diabig dabai anda itur

dak ago wonj, aŋ dam Kristus lo dabai amam da atur a. Nek ibol imug Epafras ipiteŋanaŋ ak ago, aŋjanem ilo rumok an dabai apani wa. Taida mi, aŋ Anut ilo uyan ru apani san kagin an ilom lo awan isa wa.

8 Kagin agane, kabelan talpein ta tamol sad maŋau lo iŋiŋeŋ, ago dop ru bulbal iŋiŋeŋ dan lo, ilom iŋane dop ru sewak an san subanek tamol alasa banau. Talpein kulob ago digane dan, in tubud baged sad na kagin dugo diŋane yan, agod tan en san tan tubud adi sad kagin digam an diri na ya. Ilo sou naok ago yan Kristus san tia ya.

9 Man dugo, Anut san bunun fidian an Kristus tinin iŋanefute ya.

10 Agod iŋanen kumaen aŋ aŋjaneg, aŋ ilom iŋanefute ya. Kristus mi malan te ya, inj mi mel fidian sad gurman imado da, agod tubud sewak adi a tamolpein sad madok ditirni dan iriŋjanai geig a.

11 Nek ibol Juda adi tinid suŋulon tutek san mulunj lo dudu dak igo wonj, aŋ Kristus da atumanig kisaek alasa yan lo, aŋjanem bunum wagam ak aupasek san an atuteg abibol yau a. Tinik suŋulon tutek naok emaiak tamol banid nam ta digane na ya, tia, kulob an Kristus tuon lo mi ilasa da.

12 Saen aŋ Kris lo suguek aŋane yan, aŋ Kristus da sisem amat go tan lo disiriaŋ a. Agog Anut aŋ Kristus da sisem ibiaŋsag fon kumaem amasag amado da. An aŋ Anut san dabai urat isini dan niŋen ilom rumok an lo ago ilasa ya, man dugo, Anut Kristus mateŋ lo yabisag inj fon kumaen imasa da yan alon la ya.

¹³ Gubak mi aŋ gob mi a, aŋ aupasek kagin lo ator dugo, Juda sad mulun̄ lo adu man tia ya. An nijen o aŋ ɻutumi imat ak igo amado ator se ya. Ak man saen Anut Kristus kumaen foun ak ipani man, kumaen foun ak ipanaŋ go an lo aŋjanem ɻutumi dam kumaen dilasa ya. Agod idaned aupasek fidian isuas yau a.

¹⁴ Gubak mi Moses san kubiaeŋ an, ager igane panad go ibiad tadu se ya. Kubiaeŋ an san ru kagin wei mi a, iŋ nek ibol pepa roun ta an fufo gubun fidian a tinid lo dien dan digire yak igo woŋ a, agod id gubun an fidian tukubune wo ta idaisuda na ya. Ak man Kristus gubun an fidian itute ya, iŋ pepa roun an iŋjaneg isini yaug, iŋsan aigim fo ibali a.

¹⁵ Iŋjanen mateŋ aigim fo yan lo, tubud adi tuon anda yak, agod ur saiak fidian a tamolpein ditirnai dan, iŋjaned dabai igane itout a. Nék ibol yu gurman ta yu igane itout go, iŋsan ager ta dumat na yan banid ifoug, iŋ patun fo malak malak iraug diau dak igo woŋ, Kristus iŋsan mateŋ lo yu iganeg itout go, mel fidian a dabai ad da yan ibiai dudu go, malak malak miai ipidinai a.

¹⁶ Fun an nijen o talpein ta aŋ kulob igo yak agane wo ibol da: aŋ mel dugo ani aluk dan, soubul agane dan, kalam foun ilasa yak san muguruŋ agane dan, tia, Sabat nal nijen o yaes abal dan, ago ibol tap, aŋ awan ta abi na wa. Talpein ta melmel naok an niŋedi wo aŋ bitinaek lo idiran̄ dop, aŋ amoi a.

¹⁷ Kagin naok ago yak man, melmel rumok a murnap dupalu an sad mitilaedi mi a, ak man mel

a rumok an igo yen la ya, an Kristus sen.

¹⁸ Talpein enti sewak kagin lo sen yabi idu dugo, enjel adi sad ubou leil igane dan niñen o kagin agane wa. Talpein naok an patum apani wa, kabelan arjanem naon uyanan an irinjanaj banau. Inj nionjamin lo marjau senamo geig ak injane dak ago ibol da, an niñen o sen ipitiani da. Inj aŋ naom iguri wo ru dabai anda ru kagin irupaiaŋ da, ak man niñen an fun an tia ya. Man dugo, injsan se pitianoi kagin an lo mi injen da, agod injanen kankan an tan en san tamolpein dugo ilod isou dak ago mi iri da.

¹⁹ Talpein naok ago yan idaned gurman Kristus an yabipitili a. An niñen o inj Kristus tinin ibiseig yaug patun fo ilasa ya. Kristus mi injsinanen tinin san gurman, agod tinin anen boi an fidian itirnai da. Inj lo, tinin san im, tinin san boi aenta fidian disatuanaig nug diabi dan lo italbusi da, ago dop Anut ilon yen dak ago mi tinin fidian isap dabai a.

²⁰ Aŋ Kristus da sisem amat a, an lo man aŋ ka tan en san tubud kititik abisawaip kawan ator a. Fun an niñen o, ata wo aŋ tan en san tamol amado dak oŋ, sem idiran go tan en san tamol kagin wei mok an paed na amado dak i?

²¹ Tamol kagin an igo dubol, “Aŋ mel an ta abi na wa.” Tia dubol, “Aŋ anaŋ an ta ani ale na wa.” Tia dubol, “Aŋ mel en ta asupuri na wa.”

²² Melmel e ninjedi wo ŋabol den, ata mel tani taluk o boi, an id ka saen kisaek mi urat tipidinai wa, ago gup dideg diau a. Mel geg niganag an nuñon an tia ya, man dugo, ru kagin naok ago yak san fun mok man, ru kagin sensen ak agod piteñanek funfun a tan en san tamol mi durupaiad

se ya.

²³ Rumok, ru kagin naok ago yan tamolpein aenta sad leil lo kankan milaen ak anda yak manoj a. Man dugo, ru kagin an diri dupani dan lo kagin naok igo dilasa da: iŋ ubou leil digane wo sed isodudunai da, iŋ sed ibiai dudu da, (ak man kagin an sewak a,) agod iŋsed tinid dufu da. Ak man kagin naok naok ago yan iŋjaned tini masai diabituani san iŋ dabai ad tia ya.

3

Idsad madok gun ak san kagin

¹ Aŋ Kristus da sisem Anut ibiaŋsa ya. An niŋen o aŋ ajanem mala nouk an melmel a lak na dien dan fo agane wa. Aben an ate Kristus iŋ Anut banin won ak lo imado da.

² Nal fidian pe aŋ tan en san melmel an mi niŋedi wo ilo sou ta agane na wa, tia, kumaen panu san melmel amaiak mi ilo sou an agane wa.

³ Man dugo, oŋ umat la ya, agod gamu oŋane madok mok ak imianuk Kristus da dumado da, agod oŋ an ule san tia ya, man dugo, Anut mi kagin an igane da.

⁴ Kristus iŋsen mi man oŋane madok mok a. Amaiak niŋen o saen iŋ fon tan na walal isi dan, oŋ dam iŋ da sisem girager amam da walal asi wa.

⁵ An niŋen o tan en san kulob saian saian agane dan asare. Aŋ jeit kagin ta agane na wak, ilo isou saian saian dam ta agane na wa. Aŋ pein niŋedi wo malam ta isi na wak, aŋ ilom tinim imasap ilo sou saian saian ta agane na wa. Agod ilo sek kagin ta gane na wa, man dugo, Anut malan lo kagin an

man nek ibol aŋ tubud sewak adi ubou ad ale dak
igo woŋ a.

⁶ Tamolpein kagin naok naok ago yan digane
dan lo man, Anut san tiŋae mumarek ipalu da.

⁷ Gubak mi aŋ dam, kagin naok naok ago yan lo
ator dugo, ilo sou sisaiak aŋjanem ulum yabi se ya.

⁸ Ak man kagin naok igo yak patum apani:
wagai kagin, tiŋae saiak kagin, nug ule saian san
kagin, agod uf ru. Aŋ ru nun ak awam lo ta ilasa
na wa.

⁹ Aŋ nug ta arawi na wa, man dugo, aŋ aŋjanem
bunum wagam ak, agod kagin a bunum wagam ak
igane se yan fidian apasi la ya,

¹⁰ agod aŋjanem bunum foun ak aŋane ya. Anut
gamu urat igane dan lo ilom ibileksap maŋau foun
ak aŋane da. An lo Enti a aŋ foum idiraŋ alasa yan,
aŋ lo igo igane da, nek ibol iŋsen imado dak, aŋ
dam ago mi alasa da.

¹¹ Fun an lo na id foud tilasa yan luluŋad lo
tarpalek man tia ya. Grik iŋ Juda dadi, tamol a
tinid suŋulon dutute yan, a tinid suŋulon ta du-
tute na yan, tamol asau ak, tia, tamol kasik yu
gidigidad digane dak, tamol urat bigabeg ak, tia,
tamol kawan imado dan, an fidian kisaek a. Gamu
Kristus mi malan te ya, man dugo, iŋ tamol naok
an fidian ilod lo imado da.

¹² Fun an niŋen o, aŋ gamu Anut anen pilianek
tamolpein a, aŋ gun amado dugo iŋ niŋemi wo
tubun mi imat da. An niŋen o nek ibol tamol
ta kulos iŋal go tinin fo idiri dak igo woŋ, kagin
en aburoup kulos oŋ nam tinim abuluwi wa: ilo
muŋjanek, ilo panek, sem ibiaŋ adu san kagin, mos
kagin, agod muruan asini san kagin.

13 Nug ale saian amoi dop, muruan dugo yak aŋ nugnug lo yen dan, aŋ anen anen apare idu dop, nek ibol Tubun en ajanem aupasek isuas panaŋ ak igo woŋ, aŋ dam nug san aupasek asuas a.

14 Agod kagin a kagin aenta fidian irijanai dan man, aŋ nug niŋen o amat a, nek an mi a. Nek ibol let ta, aŋsam kulos aenta ibiai sakar dak igo woŋ, nug niŋen o amat ak san kagin an, iŋ kagin aenta fidian ifou dop an lo sisem urat disini uyanan a.

15 Kristus san maror an aŋ ulum am yabi wa, ago dop aŋ pilianek agane wo uyan a. Man dugo, Anut aŋ igiaŋ go tinik kisaek mi ak alasa ya, an niŋen o Anut aŋ fidian maror lo amado wo irupaiaŋ a.

16 Ru a Kristus niŋen o aloŋ an ajanep bubem ilon lo aganep idaisuda wa. Aŋ bubem lo ru an urat isini wa. Kankan milaen ak nam nug apiteŋjani dop nug ru kagin arupeı wa. Isrel kanam bar an abi, kanam bar aenta dam abi, Awan Urgun bar ikubiai panaŋ an dam abi; ilom bubem tinim fidian lo Anut niŋen bar abi wa. Aŋ ago agane dop Anut ilo uyan apani wa.

17 Aŋ ru dugo abol dan, kagin dugo agane dan dam, an fidian Tubun en Jesus yaŋan lo mi agane wa. Iŋ yaŋan lo mi Bai Anut ilo uyan ru arupeı.

Nug muroun sad ru kagin sensen ak

18 Pein, ajanem tamol awad paen na amado wa, man dugo, kagin an mi Anut malan lo itaot a.

19 Tamol, ajanem pein niŋedi wo amat a, agod ru saian nam ta apidai na wa.

20 Nanuk, ajanem tinam tamam mel dugo agane wo dubol tap, iŋ awad kagin apani. Man dugo,

kagin naok ago yan, agane dop lo Anut ilo uyan apani wa.

²¹ Tinan taman, aŋ nanuk pempem muruan ta apidinai na wa, kabelan iŋ ilod saian panaŋ pe, kagin uyan ak digane wan dumoi banau.

²² Urat bigabeg adi, aŋjanem tamam a kagin dupanaŋ dan, mel ta dugo agane wo dubol tap, aŋ pempem awad ari apani wa. Iŋ diliaŋ o, tia, iŋ ilod aŋjanep dipitianan o ago agane amoi. Tia, iŋ malad patun fo bo man, Anut o mi arer dop, tamol nuŋom ago woŋ, iŋsad urat itaot aganep ilasa wa.

²³ Aŋ mel dugo agane dan, ilom ŋutum nuŋon amam da agane wa. Man dugo, aŋ tamol sad urat ta agane na da, tia, aŋ Tubun en san urat agane da.

²⁴ Fun an niŋen o, aŋ mel en alon uyan ak, Tubun en aŋ dam mel uyanan a Anut san tamolpein ipidinai o iganeg yen dan, aŋjanem urat naon igo woŋ ipanaŋ a. Tamol nek a iŋsan urat agane dan man Tubun ak Kristus iŋsen mi.

²⁵ Aloŋ uyan ak, talpein enti igane saian dan, iŋsinan kagin saian an naon ka iŋane wa. Gidad oŋ urat bigabeg, oŋ urat bigabeg taman, naon panek kagin a Anut igane dan kisaek a, man dugo, iŋsan leil lo man, id fidian tou kisaek mi a.

4

¹ Oŋ urat bigabeg taman, aŋ kagin itaot ak lo, agod kagin uyan ak lo dam, aŋjanem urat bigabeg adi kagin apidinai a. Man dugo, aŋ alon ak, aŋ dam tamam am da ya, iŋ kumaen panu na imado da.

Ru kagin aenta

² Aŋ saen pempem Anut agudani dop amado wa. Saen agudani dan, ilo sou agane uyan gup, Anut asumiani, agod pempem Anut ilo uyan apani wa.

³ Agod saen aŋ Anut agudani dop, maŋ o dam ilom isou panama wa. Anut asumiani dop, iŋanen ru mianuk Kristus niŋen o yan mabol ilasa san in ka dalawan ipasi panama wa. Nai gubak mi ru mianuk an tamolpein ŋufulale pidinai se ya. Fun an ninjen o nai dusubanag go sein nam ŋieg banig dufoug subanek ab lo ŋumado da.

⁴ Anut asumiani dop nai ibinawag pe iŋanen ru en fun kuai tem ŋabol ilasap, tamolpein dulon uyan a. Ago ŋigane dop man uyan a.

⁵ Saen aŋ tamolpein ensauta a aŋsam midaeŋ patun fo dumado dan lulunŋad lo amado man, aŋ ilo sou uyan ak mi ari apani dop, kagin itaot ak mi agane wa. Taida mi, Anut dal ta ikubiai ale dop, talpein aenta aŋanem ilo rumok ka afulale pidinai dop man, aŋanem ilo rumok afulale pidinai a.

⁶ Saen fidian aŋ ilo uyan san ru, agod ru kududod bulbal san an mi aŋiŋeŋ a. Ago dop lo talpein ta sumiaeck igane tap, aŋ ilo sou uyan ak lo mi sumiaeck awan abi dop, lo tamolpein fidian dulon uyanan a.

Pol turan murooun ilo uyan ru digane ipalu ya

⁷ Tikikas inŋ nai kulob dugo ŋigane na yan ka ibol alon a. Inŋ maŋ teima Kristus lo yan niŋen o mamat da, Tubun en san urat lo inŋ ŋaisag urat kisaek, agod maŋ ka inŋ Tubun en san urat igane uyanan o tinima migane pani wa.

8 Nai ij aŋsam na njigane yau da. An fun man, ij maŋ dugo mumado den san fun fidian ibol alon a, ago dop aŋ ilom pasai ibol a.

9 Onesimus ij da aŋsam na sisem diau da. Iŋ tamol Kris ak ilasa ya, agod maŋ niŋen o tubun mi mamat da. Gamu ij dam ajanem midaen̄ san tamol kisaek a. Iŋ urarum mel fidian etna ilasa dan ka dubol alon a.

10 Aristakas, ij dam subanek ab lo da mumado yan aŋsam na ilo uyan ru igane ipalu da. Mak dam aŋ ilo uyan ru irupaiaŋ da, ij Barnabas nukol. Aŋ Mak niŋen o ru kagin aŋane la ya. Iŋ aŋsam na ipalu tap, aŋanep kagin apani wa.

11 Agod Jesus, ij yaŋan aenta Jastas dubol dan dam aŋsam na ilo uyan ru igane ipalu da. Naisag urat kisaek adi a Anut san kagin panek o urat digane dan, luluŋad lo tamol utol en mi Juda tamol a. Iŋ haj dubunawag go ilog pasai ibol a.

12 Epafras, ij dam aŋsam tamol kisaek a, agod ilo uyan ru irupaiaŋ da. Iŋ Jesus Kristus san urat tamol mok a. Iŋsan gadiŋ lo aŋ niŋemi wo urat wagai igane dugo, Anut igo isumiani da: Anut ilon dugo ibol dak alon uyan pe, tinim njutum fidian lo ari apani wa, agod aŋ mel ta niŋen o, ta katuk amam na wa, an lo dop ajanem ilo rumok Kristus lo yan dabai a.

13 Nai naiseg njurupaiaŋ da, ij aŋ ibinawan̄ o urat wagai igane da, agod ilo rumok adi Laodosia na yan, Hirapolis na yan dam niŋedi wo urat wagai igane da.

14 Maŋsam turama mok, Luk, ij a dokta tamol amaiak, Dimas da aŋsam na ilo uyan ru digane ipalu da.

15 Nai naog ajanep ilo uyan ru, ilo rumok adi Laodosia na dumado dan arupidai. Nimfa, agod midaen a iñsan ab lo dutumani dan dam, ñaisag ilo uyan ru arupidai.

16 Girek en asutip ale gup murna Laodosia midaen sad na agane yaup, inj dam dusuti dop dulon a. Nek ago mi aŋ dam girek taida an Laodosia midaen sad nag ipalu yan asutip ale wa.

17 Akipas arupei, “Tubun ak ijanen urat gane wo dipiliano yan urat wagai ganep, gane yau itout a.”

18 Nai Pol, ñaiseg banig mok nam ru wadan en ñigire da. Nai ilo uyan ru ñurupaiaŋ da. Aŋ nai subanek lo ñumado dan, ilom ta iñaoŋ na wa. Nai ñugudani da, Anut ijanen ilo panek aŋ da ka amado wa.

**Anut san bilalun foun
The New Testament in the Takia Language of Papua
New Guinea
Nupela Testamen long tokples Takia long Niugini**

Copyright © 1999 The Bible Society of Papua New Guinea

® Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d